

PUO YA BOPHATLALATSI BA DITABA KA SARS:

15 Phuptjane 2022 - SARS e hlokometse kgopolotaba ya morao tjena e masedinyaneng le ho marangrang a phedisano (social media) e reng Khomishenara ya SARS ke molaodi wa khampni eo e leng ya Mopresidente Ramaphosa. Mona ho fanwa ka mohopolo wa hore ka lebaka la sena SARS e ile ya itholela feela ka ditaba tse tsa Mopresidente Ramaphosa. Kgopolotaba ena e tswela pele hore Khomishenara o fumane mohala ho tswa ho Mopresidente Ramaphosa, ho ya ka mohlodi, ho mo thusa mme Khomishenara yena a hana kopo ena.

Khomishenara Kieswetter ha se, ebile ha a soka e ba molaodi wa khampani efe kapa efe eo e leng ya Mong. Ramaphosa.

Ka nako eo a neng a ba Khomishenara ka Motsheanong 2019, Mong. Kieswetter, ho bapa le tse mabapi le puso e ntle mmoho le maano a mang a amehang, o ile a itokolla ditulong tsohle tsa ho ba molaodi.

Mong. Kieswetter haesale a ikobela boitlamo ba hae boo a bo entseng setjhabeng, ba ho tsamaisa merero ya hae ka tsela e tlang ho tlisa tshepo setjhabeng, mme o tla tswela pele ho etsa jwalo.

Kahoo, mehopolo e renang ha jwale e fosahetse ebile e baka diqabang ka ho leka ho amanya ditaba tse leshano tse mabapi le bolaodi ba kgopolotaba ba Khomishenara le boitlamo ba SARS ba ho dula bo sireleditse sephiri sa molefalekgetho.

Tiisetso ya SARS e mabapi le sephiri sa lesedi la molefalekgetho ke e fumanwang ke balefalekgetho ka lebaka la ho fana ka lesedi le felleltseng ho SARS. Ntle le tiisetso ena ya molao e mabapi le sephiri, tebello ya hore molefalekgetho a ka talola tsohle le ho bua tse nepahetseng ho SARS e ba lefeela. Selekane sena se ngotsweng molaong se pakeng tsa SARS le balefalekgetho ke motheo wa mokgwatshebetso wa rona wa lekgetho, mme ka ntle ho ona SARS e ka se sebetse hantle. Molao o hlakile haholo mabapi le boemo boo ka tlasa bona Khomishenara ya SARS kapa mohlanka ofe kapa ofe wa SARS a ka hlahisang lesedi la molefalekgetho kateng. SARS e tla ikamahanya le molao.

Khomishenara ha a ka a fumana mohala ho tswa ho Mopresidente Ramaphosa jwalokaha ho inahanelwa. Ho feta moo, Khomishenara ha a itshunyatsyunye kapa hona ho kenakena ditabeng dife kapa dife tsa batho ka bomong ba bona. SARS e batla ho toboketsa hore e ntse e tswela pele ho phethahatsa thomo ya yona hodima ditlolo tsohle ntle le tshabo, leeme le ntle le ho inkela diqeto ho sa natswe tema e kgathwang kapa maemo a molefalekgetho ofe kapa ofe.

Ho fumana lesedi le fetang lena, ka kopo ikopanye le SARSMedia@sars.gov.za